



## Bonen....

Sikkom dag en  
 deur krieg 'k bonen,  
 eerst van 't laand,  
 din oet de wek,  
 nog wat loater  
 zulte bonen  
 mit'n deurregen  
 lapke spek.

Din weer bin der  
 dreuge bonen,  
 ligt op beun  
 de wereld van,  
 of wie kriegen  
 witten bonen,  
 krek semint oet  
 etenspan.  
 'k Haar veul laiver  
 haide bliksem,  
 mous mit gört  
 of boeskool had,  
 moar ons moeke,  
 kaptain rondhemd,  
 dei is bonen  
 nooit nait zat...

**VAN VLIET**

## Vrouger...

**„Bie boer  
 hest eerst stoer”,  
 zo zegt  
 lutje knecht.  
 „Hail vroug  
 achter ploug,  
 n bult swait  
 en nait braid”.  
 „Aal deur  
 n daipe veur  
 kikst wat  
 peerd in 't gat  
 en boer  
 staait op loer  
 ofst kloar  
 komst van 't joar”  
 Dan slagt  
 onverwacht  
 òl peerd  
 mit zien steert  
 en knecht  
 dingen zegt  
 in n toal,  
 nait normaal  
 Gain mens  
 heurt 't verwens  
 wat knecht  
 aalmoal zegt  
 en 't peerd.  
 nooit wat leerd,  
 kikt dom  
 achterom.  
 Knecht scheldt  
 glad vergrèd  
 in sleur  
 toerloos deur  
 aal peerd  
 tegen steert,  
 zo vecht  
 lutje knecht...**

Van Vliet.

## Recht veur zien roap....

*Ol Opa,  
 sikkom honderd joar,  
 dei leefde  
 in 't verleden,  
 tied van vandoag  
 vuil hom recht stoer,  
 hai haar 't nait zo  
 op 't heden.  
 Wanneerst  
 hom noar  
 zien mainen vruig  
 hou of hai docht  
 over de jeugd,  
 den zee e  
 't vrouger aanders was,  
 heur doun  
 dee hom gain deugd.*

*„De jeugd vandoag”,  
 zee d' òlle den,  
 „wil laifst aal zulf  
 beslizen,  
 ze speulen  
 overdag mit vuur  
 terwiël ze 's nachts  
 op bërre pizzen....”*

*Noar 'n old  
 Grunneger gezegde*

van Vliet

## Zunege Paiter

Ain splinter nije pankoukspaan?  
 Mien laive mènes, hou komst ter aan  
 Het Sunderkloas dei woar die brocht?  
 Of est om bie Aarm Tromke kocht?  
 Wat bist sums toch 'n rije slaif,  
 Dien òle haar 'k nog stief zo laif,  
 Moar ik eb aaltijd ongeliek,  
 Doe tëlst die aarm, moar reek 'nst  
 die riek.  
 Och man, zeur nait, dei òle paan,  
 Gain handvat zit ter ja meer aan!  
 En wil ik din ais pankouk bakk'n,  
 Din waik nait hou 'k om aan mout pakk'n  
 En hest verdold ook ongeliek,  
 Want 'k heb om kreeg'n van taante Riek,  
 Mit óók nog 'n nije stampot-slaif,  
 En déi heb ik net zo laif.

## Sunterkloas...

Bin gounend dei zeggen  
 dat e al komen is,  
 aandern mainen  
 dat e nog komen mout  
 en weer aandern  
 dat e aal nait komt,  
 nou nait, mörn nait  
 en nooit nait.  
 Bin gounenend dei beweren

dat zien peerd zaik is,  
 aandern zeggen  
 dat dat leugen is  
 en weer aandern  
 dat e nou zo òld is  
 dat e op zien joardag  
 best ais thoes wezen wil  
 Alle joaren  
 as Sunt Meerten veurbie is,

moan deur de bomen schient,  
 komt e deur braivebus,  
 aal aan-baidens...,  
 't nait komen  
 kinst beter moar verswiegen,  
 Sunterkloas is nooit vot te kriegen!

**VAN VLIET**

# Eerste Eemsmondbaby 1988

*Veur Ellen*

*Was ter nog moar even,  
ainlieks nog moar net  
of... most mit dien moeke  
veur d'Eemsmond op petret  
en weer oet dien nustje,  
zo sloaperg as wat,  
nij truitje over kop  
en schone douk om t gat,  
gaauw kladden oet oogkes,  
nog n bozzel deur t hoar,  
n poar zokjes om voutjes  
en toun wastoe kloar  
.....!*

*Dien moeke moar gròllen:  
wast eerste dit joar...,  
t waarom van dij drokte  
wòrst eerst loater gewoar  
....*

**VAN VLIET**

# Los Angeles

Hoogste tree van sport berieken,  
gain dei dat moar zo verknòlt,  
strieden tegen aalderstaarksten,  
brons doar winnen, zulver, gòld.

Zoo'n medallie ooit verovern  
zetst die hailendaal veur in,  
hest veuròf vaast wel begrepen:  
zunder muite gain gewin.

't Gaait om dailen van sekonden,  
hondern en mainsttied meer,  
aine kin moar eerste worren,  
most gedureg in 't geweer

.....  
Wordst gain eerste, tweede, daarde,  
kon je dat nòg net nait doun,  
hest dien best doan en hest mitdoan,  
bist veur mie n kampioun!

**Van Vliet**

# Waiwerd...

Waiwerd, dörp van Stilt' en rust  
Domt zien kerk, zien haart verlust.  
Preken bin allaank verstomd,  
gain dei der nog binnen komt;  
gain oavendmoal  
of deupen meer,  
bevestegen of traauwen,  
even nog  
en slopershoamers domt  
kerk aan brokken haauwen  
.....

Wat allenneg over blift  
is leegte dei gain pin beschrift,  
leegte vol van wat aaid was,  
zuver as kristalen glas,  
n aanzichtkoart  
van dörp mit kerk,  
n aanzichtkoart,  
nait minder en nait meer,  
n dikke kloet is haals  
en nait te hailen zeer  
.....

**Van Vliet.**

# Driftkikker

Lutje gromt  
en hai bromt  
niks nait blied,  
òlle weur  
dramt moar deur,  
speen is kwiet.

Lutje gilt  
en hai trilt,  
aldernoarst,  
drok in taauw,  
sangenblaauw  
stikt e hoast  
...

Moeke kwoad,  
zet kerdoat  
ber op kop,  
lutje slaif,  
toch wel laif,  
lag der op!

**Van Vliet.**

## Woarveur

Gerriet haar 'n nuver spultje,  
vattien koiën en 'n peerd  
en zien hok mit jonge swienen  
wazzen 't bekieken ook best weerd,  
doarbie nog 'n koppel hounder  
en 'n haile beste hoan,

Gerriet huijde aal nait kloagen,  
haar mit aal 'n goud bestoan.  
en dat Gerriet wos hou't heurde  
dat was algemaine proat,  
koiën laipen mit 'rikander  
achter elektriske droad.

*Toch was Gerriet nait slim snugger,  
dat bekwam ol jong moar slecht,  
lest nog kreeg een bekeuren,  
mos e veur't kantongerecht.*

*Gerriet dei haar aal gain brette  
woarop „Pas op schrikdraad” ston.  
Rechter vruig hom as beklagde  
of e dat nait neudeg von.  
„Woarveur zol dat neudig wezen”  
zo vruig Gerriet, "woarveur den,  
wait meneer den echt haildaal nait  
dat 'n kou nait lezen ken...?"*

*Van Vliet  
Delfzijl*

## Carnaval

Overaal is't carnaval,  
nou gain gezeur,  
mombakkes veur  
en der vandeur.  
Maal doun, zingen,  
hozzen en springen,  
gain vraagt welst bist,  
carnaval ist.

Even nait dinken  
aan mörgen,  
aan dien zörge,  
gain gejeuzel  
of gemier,  
't helpt gain spier  
aan wat geval,  
't is carnaval.

Haardleers  
en mit n gezicht  
as n omgekeerde  
hounderneers,  
dats ja gain kiek,  
mombakkes veur  
en der vandeur,  
mit carnaval  
is elk en ain geliek!

Van Vliet.

## Gain wonder.

Moeke kon wel aldeur janken,  
woaraan haar ze nou te danken  
dat kinder zo gezeggelk  
wazzen lêste tied?  
Anke help heur voaten wazzen,  
Geert wol wel op Aiko pazzen  
en ze roemden  
speulgoud recht aan zied.

Roëzie kreeg ze nait te heuren,  
nooit n keer gesmiet mit deuren  
alles wollen ze hoast wel  
even doun veur heur.

*Voader wol ze't aal nait zeggen,  
dei zol't vaast oet willen leggen  
en doar paazde  
ze toch laiver veur.*

*Moar waist wel hou moeke's 't klo-  
aren  
om gehaimkes te bewoaren,  
den worden zenen heur  
moar zo een keer de boas.  
Toun ze't voader 's nachts vertelde  
bromde de in sloap gekwelde:  
„Mit n dag of wat  
is't Sunterkloas...”*

Van Vliet

## Vrijen

Vrijen is zachies proaten  
en haardop laigen  
beoamde Hinnerk Blaauw,  
toun haar e alweer  
n aner wicht aan taauw.

't Wichtje dat zok vaangen luit  
docht nait aan vervelen,  
as zai moar n vrijer haar,  
wat konnen aal dei aner  
wichter heur din schelen.

Vrijen is soamen wezen  
zunder aanswat om die tou  
duurde Hinnerk wel om wedden,  
wat n aner der van docht  
mos dei zok moar mit redden.

Van Vliet

## Serajevo...

Geen goud,  
geen zilver of brons,  
geen medaille voor ons!  
Veel beelden  
van die vlugger konden,  
met open monden  
werden gadeslagen  
bij 't steeds weer  
prijzen wegdragen.

Jaloers,  
neen, alleen respekt  
voor 't presteren,  
een aanwijzing  
voor die mee deden  
't nóg sneller te leren  
en dat laten blijken  
door over vier jaar  
in Calgary  
eveneens met „plakken”  
te gaan strijken.

Van Vliet.

## Domme proat

*Stel gain auto ree of was,  
gain openbaar vervoer,  
naarms gain spoor van oetlootgas  
en regen zuneg zoer.*

*Kinner vaileg over stroat  
en gain benzinstaanke; 't komt mie  
veur as zulfverroade,  
gain gas meer op de plaank!*

*Wazzen aal gain files meer  
van wait hou laange sleep,  
peerd en waogen reden weer  
en vouwerman sluig mit sweep.*

*Moar as ik doaraan dinken dou  
din wor'k nait goud in hoed.  
'k kwam moar zuneg't dörp omtou  
en Stad was wereld oet*

.....

*Moeke woont op houk van stroat,  
ze wacht mie al n uur,  
hest geliek. 't is dommeproate, 'k  
doek al achter stuur....*

Van Vliet

## Toukomstplannen

*Haarm dei wol wel bakker worden, dat  
was, docht hom, n best affeer,  
koukjes, stoet en plevers bakken,  
toatjes moaken en zoks meer,  
huifde doar nait meer om vroagen,  
wat n riekdom, laive toet,  
as e jankst haar noar wat lekkers  
huil e't zo tot oven oet.*

—0— *Klant zol bie hom keunink wezen,  
wat ook beurde, dei ging veur,  
doarvan, wos e, mos e't hebben,  
anders't vaast gain vetpot weur.  
Moeke huifde niks betoalen,  
dei kreeg alles, puten vol,  
hai haar zoveul van heur kregen  
dat e heur geld nait hebben wol*

—0— *Moeke laagt wat om heur jonkje,  
alles worden wil e wel,  
eerst sjefeur en nou weer bakker,  
wait wat't mörgen wezen zel.  
Hai mout nog wat groter gruien,  
goud mit leren vedder goan  
en den krigt e, wait ze wizze,  
loater vaast n goie boan.*

*Delfziel, Van Vliet*

## Kapper...

*Sieben Smid oet Stadskenoal,  
tachteg joar en sikkom koal,  
won zok lezzens aal meer op  
toun zien kapper doar in 't loug  
volle pries veur 't knippen vroug  
en dat veur zien koale kop.*

*d'Olle naarde aal moar deur  
hou gemain e òfzet weur,  
klanten laagden der wat om.  
Gain hom bievuil, helpen dee,  
of e 't tegen muren zee,  
elk en ain dei huil zok dom.*

*Kapper, dei der zat van was  
zee, hom helpend in zien jas:  
„Neem doe nou moar van mie an,  
't dien hoaren knippen, luster  
goud,  
köst meer tied as doe vermoed,  
'k mout ze bie die zuiken man”.*

*Van Vliet.*

## Tied....

*Bist nog kind, zo'n lutje schieterd,  
wilst al best n keer wat doun,  
vuilst die recht n haile kerel,  
denk ais even nog aan toun.*

*Bist dan dattien, vattien worden  
(tied dei vlugt ain keer veurbie),  
schoamst die moeke wat te helpen,  
zokswat is toch niks veur die...*

*Bist dan twinteg, twei en twinteg,  
dast al wat verkeren hest,  
dan kenst toch gain bösschop hoalen,  
moeke ken dat ook toch best?*

*Moar bist vatteg, vieftig worden,  
dan wilst alles wel veur heur*

....  
*'t is te loat om nog te helpen,  
staaist allënneg, tied gaait deur.*

*van Vliet.*

## Woanwies

*Stel, ain dag niks  
gebeuren zol,  
gain muske dood  
van dak òfvol,*

*gain auto, train  
of wat bewoog,  
gain vlaigtuug meer  
deur 't luchtroem vloog.*

*Gain störm op zee,  
gain stried aan laand,  
gain ongevaal,  
gain moord of braand.*

*Gain mins op stroat,  
gain hond bie pad,  
dat elk tevree  
bie kachel zat.*

*Eerst din bleef kraant  
dat dut vaast deeg,  
op mien gemaggel noa,  
schoon leeg!*

*Van Vliet*

## REALITEIT

Vandaag  
zijn het vrienden  
die morgen  
vijanden zijn  
omdat de vrede het wil.  
De grenzen  
moeten verlegd  
of wijken  
voor sterkere macht  
die de wereld  
niet groter maakt.  
Vernieling  
en onmenselijke ellende  
groeien  
naarmate wordt opgerukt  
of teruggetrokken.  
De mens,  
het kind van de rekening  
blijft vechten,  
vechten  
voor wat hij heeft  
tot het einde ook hem  
zijn rust eenmaal geeft.

Delfzijl, D. van Vliet

## 'n Noam...

Singelier  
dat hail wïed vot  
zo dichtbie wezen kin  
as 't aigen aanbelangt,  
kinst nou wel zeggen  
dast ter niks mit  
van neuden hest,  
't loat tie nait lös,  
dag en deur  
bist ter mit bezeg  
om 't te vergeten,  
van die of te zetten,  
't lukt tie nait,  
nou nait en nooit nait,  
dien achternoam  
is aigenste as zienent.

VAN VLIET

## Mis-koop

*Berend Broukemoa oet Glins  
dei was lèst moar zo van zins  
achter 'n auto aan te goan,  
gain òllerwets òstandse  
moar 'n goie tweede-handse,  
dei in advertensies stoan.*

*Mit zien Joantje, eerliek woar,  
stapde noar zo'n handeloar  
dei wel klanten broeken kon.  
Meneer was zo beleefd as wat,  
keuze haar e meer as zat  
doar hai, zo zee e, achter ston.  
Joantje, dei gain doetje was,  
trok heur Berend bie zien jas  
en flusterde toun bie deur:  
„As meneer der achter staait  
vertraauwd e remmen wizze nait,  
koopst mie die hier gain woagen  
heur”.*

Van Vliet.

## Duuts...

*Geert veur't eerst deur Duutslan  
raisde,*

*hail noar München, laive toet,  
mit 'n bus vol raisgenoten,  
ogen keek e sikkom oet.  
Ploatsen dei ze tegenkwammen  
links en rechts van d'autoboan  
schreef e aalmoal in n boukje  
om loater nog weer noa te goan.*

*'s Oavens op zien aigen koamer  
van het noagelnij hotel  
keek e nog ais noar dei noamen,  
vatteg ploatsen haar e wel.  
Wat hom opvuil bie dat noazain,  
wazzen hail wat zulfde bie,  
minstens dattien haitten Ausfahrt,  
heurejong, nou vroag ik die.*

*Mos e domt nog moar ais kieken  
of wel juist was wat e las;  
koart dei e der op noasluig  
vaast ook nait zo'n beste was,  
naarmswoar kon e Ausfahrt vinden  
en hai haar't, docht hom, toch zain,  
weuren ogen hom den minder  
of...lag't aan zien Duuts meschain?*

Delfziel

Van Vliet

## Handel...

*Mattje Ottens in Bourtange  
haar heur was nog boeten hangen  
toun inans n bèste plensbui kwam.  
Buurman Mayer zag heur runnen,  
hou ze al heur natte plunnen  
hals over kop van lien òfnam.*

*'k Zee die't al, ruip e heur tegen,  
'k heb't die traauwens nooit  
verswegen,  
dien radio te old word wicht.  
't Ding lopt achter most moar  
reken  
dat is nou toch wel weer bleken  
aan't onjuuste weerbericht.*

*Mattje, lusternd noar zien  
woorden  
kon dei kerel wel vermoorden,  
echt n radiohandeloar.  
Anerdoags ging ze deur kneien,  
kocht ze bie hom n noagelnije  
...dats nou handel, is't nait woar?*

## Dwaarskop

*„Doe slörm,  
mainst in zo'n störm  
nog fietsen kinst,  
trapst die  
oet 'n kander  
op zien minst,  
magst nou wel  
'n kerel hait,  
noar dien zeggen  
berestaark,  
'k blief ter bie,  
't is gekkenwaark,  
domt weerom,  
wind in 't gezicht  
zel 't die nog spieten,  
zuikt 't zulf moar oet,  
huifst mie niks  
verwieten  
.....”*

*„Och minsk,  
loat mie toch geworren,  
'k heb tie best verstoan  
en weerom, nou goud,  
zel'k achtersteveur  
op fiets zitten goan!”*

VAN VLIET

## REALITEIT

Vandaag  
zijn het vrienden  
die morgen  
vijanden zijn  
omdat de vrede het wil.  
De grenzen  
moeten verlegd  
of wijken  
voor sterkere macht  
die de wereld  
niet groter maakt.  
Vernieling  
en onmenselijke ellende  
groeien  
naarmate wordt opgerukt  
of teruggetrokken.  
De mens,  
het kind van de rekening  
blijft vechten,  
vechten  
voor wat hij heeft  
tot het einde ook hem  
zijn rust eenmaal geeft.

Delfzijl, D. van Vliet

## 'n Noam...

Singelier  
dat hail wïed vot  
zo dichtbie wezen kin  
as 't aigen aanbelangt,  
kinst nou wel zeggen  
dast ter niks mit  
van neuden hest,  
't loat tie nait lös,  
dag en deur  
bist ter mit bezeg  
om 't te vergeten,  
van die of te zetten,  
't lukt tie nait,  
nou nait en nooit nait,  
dien achternoam  
is aigenste as zienent.

VAN VLIET

## Mis-koop

*Berend Broukemoa oet Glins  
dei was lèst moar zo van zins  
achter 'n auto aan te goan,  
gain òllerwets òfstandse  
moar 'n goie tweede-handse,  
dei in advertensies stoan.*

*Mit zien Joantje, eerliek woar,  
stapde noar zo'n handeloar  
dei wel klanten broeken kon.  
Meneer was zo beleefd as wat,  
keuze haar e meer as zat  
doar hai, zo zee e, achter ston.  
Joantje, dei gain doetje was,  
trok heur Berend bie zien jas  
en flusterde toun bie deur:  
„As meneer der achter staait  
vertraauwd e remmen wizze nait,  
koopst mie die hier gain woagen  
heur”.*

Van Vliet.

## Duuts...

*Geert veur't eerst deur Duutslan  
raisde,*

*hail noar München, laive toet,  
mit 'n bus vol raisgenoten,  
ogen keek e sikkom oet.  
Ploatsen dei ze tegenkwammen  
links en rechts van d'autoboan  
schreef e aalmoal in n boukje  
om loater nog weer noa te goan.*

*'s Oavens op zien aigen koamer  
van het noagelnij hotel  
keek e nog ais noar dei noamen,  
vatteg ploatsen haar e wel.  
Wat hom opvuil bie dat noazain,  
wazzen hail wat zulfde bie,  
minstens dattien haitten Ausfahrt,  
heurejong, nou vroag ik die.*

*Mos e domt nog moar ais kieken  
of wel juist was wat e las;  
koart dei e der op noasluig  
vaast ook nait zo'n beste was,  
naarmswoar kon e Ausfahrt vinden  
en hai haar't, docht hom, toch zain,  
weuren ogen hom den minder  
of...lag't aan zien Duuts meschain?*

Delfziel

Van Vliet

## Handel...

*Mattje Ottens in Bourtange  
haar heur was nog boeten hangen  
toun inans n bèste plensbui kwam.  
Buurman Mayer zag heur runnen,  
hou ze al heur natte plunnen  
hals over kop van lien òfnam.*

*'k Zee die't al, ruip e heur tegen,  
'k heb't die traauwens nooit  
verswegen,  
dien radio te old word wicht.  
't Ding lopt achter most moar  
reken  
dat is nou toch wel weer bleken  
aan't onjuuste weerbericht.*

*Mattje, lusternd noar zien  
woorden  
kon dei kerel wel vermoorden,  
echt n radiohandeloar.  
Anerdoags ging ze deur kneien,  
kocht ze bie hom n noagelnije  
...dats nou handel, is't nait woar?*

## Dwaarskop

*„Doe slörm,  
mainst in zo'n störm  
nog fietsen kinst,  
trapst die  
oet 'n kander  
op zien minst,  
magst nou wel  
'n kerel hait,  
noar dien zeggen  
berestaark,  
'k blief ter bie,  
't is gekkenwaark,  
domt weerom,  
wind in 't gezicht  
zel 't die nog spieten,  
zuikt 't zulf moar oet,  
huifst mie niks  
verwieten  
.....”*

*„Och minsk,  
loat mie toch geworren,  
'k heb tie best verstoan  
en weerom, nou goud,  
zel'k achtersteveur  
op fiets zitten goan!”*

VAN VLIET

## Overmörn . . .

Overmörn, woensdag,  
n dag as ale doagen,  
houwel, toch aarns,  
vaast overaal  
kerstbomen stoon  
dei, as lichies brannen,  
't duuster boeten bannen.

Overmörn, woensdag,  
eerste kerstdag,  
boeten klokken luden  
en wied in tied  
herders noar Beth'lem goan,  
bie'n krubke stoon,  
eerste getugen bin

Overmörn, woensdag,  
'n dag van bezinnen,  
van omdinken,  
van weezain meschain,  
'n dag vol licht en schare  
mit vreugd' en stil verdrait,  
van dreum enwaarkelkhaid

Overmörn, woensdag  
der is zo veul gebeurd  
sunds Bethlehem,  
zo veul deur tied verdrongen,  
moar wat nóg aaltied bleven is,  
der wordt van Vrede zongen.

December'85,

Van VLIET

## Waitenschop...

Lammert teutjede dei oavend  
aaldeur over waitenschop,  
Haarmke luusterde moar zuneg,  
zai haar aners wat aan kop.

Lammert kon't zo mooi vertellen,  
ravvelde moar toerloos deur,  
kraanteknipsels en òl bouken  
las e heur zulfs wat oet veur.

't Weur bie lutje duuster boeten,  
steerns dei stonnen hoog aan  
locht,

't wicht begunde òf te roemen,  
zai allain aan bèr nog docht.

Lammert leek aal nait te stoppen,  
stook ter nog n keers bie op,  
wol vannijs vaast weer begonnen,  
Haarmke heur geduld ruik op:

"Ale ding is moar n waitenschop",  
zee ze toun, mien laive toet,  
draaide zok bie toavel om en...  
pestte keers mit neers toun oet.

noar 'n Grunneger  
gezegde.

Van Vliet.

## Laif wezen....

Holdst van Presley, beat en Beatles  
heur'k vaast alle doagen weer,  
deuren hest ter laifst bie open,  
hazzens doun mie der van zeer.  
Haile buurt mout 't blikboar heuren,  
haarder kin't geluud hast nait,  
't hoes trilt sikkom op zien vesten,  
hai, wat is't e aarm verdrait!

Mout dat din zo neudeg wezen,  
hest nooit heurd van smoak verschil,  
mainst eilk aander van dien ploaten  
aaldeur mitgenieten wil  
of mekaaier't die aan dien oren,  
wordst wat doofachteg meschain,  
goa din ais n keer noar dòkter,  
dei zel't ongemak wel zain

Wat bin ik ter ook mit neudeg,  
elk zien meug, zo is't moar net,  
most toch wel n kniezoor haiten  
as doar dag en nacht op let.  
'k Zeg moar zo: elk zien genougen,  
ik hol mie der nait om stil,  
'k zet pick-up nóg even haarder  
as'k mien Callas heuren wil ...!

## Wasdag

Zunneschien  
wask' aan lien,  
Moek' is bèst.  
Kovvie kloar,  
kouk zowoar,  
nog in 't lest.

.....

Wolkendans,  
regenkans,  
Moeke wast.  
Kovvie loat,  
voader kwoad,  
kouk in kaast

.....

Regenploag,  
miš vandoag,  
voar 'n stròp.  
'n Snaauw, 'n graauw,  
kovvie laauw,  
kouk is op.

.....

Van Vliet

## Joarwiz- zeln

Uren, doagen, moanden, joa-  
ren,  
tied dei gaat aal toerloos  
deur,  
let zok nooit nait tegenhòllen,  
doar is gain geraidschop veur.

Even nog en vief en tachteg  
zunder nee zien intree dut,  
n bult komsa en vaier en tach-  
teg  
oetblust baaide ogen slut.

Aal wat blijft dat bin de sporen  
en meschain nog n pertret,  
tied gaat verder most moar  
reken,

steurt zok nait aan wat verzet.

Tegen tied vaalt nait te strieden,  
't blijft n ongeliek gevecht.

't Is gain nijs heur ik die din-  
ken,  
moar 't wordt sikkom nooit ais  
zegd.

Van Vliet

## Deu....

Deu,  
glad zunde en sneu  
veur scheuvellopers,  
veur kouk- en zeupke verko-  
pers  
veur wedstried rieders,  
veur boantje glieders  
van jonk tot òld en gries,  
der ligt al wotter op 't ies

...

Deu,  
veur wei kòlle beu  
en winter dik zat bin  
krigt 't leven vot vannijs weer  
zin,  
verwaarmen krigt n veeg  
van te hoog naar leeg,  
electricie deken  
wordt aal nait meer noar ke-  
ken

...

Deu,  
hufst gain vrizze streu  
meer in klompen vlijen,  
kinst tie weer in hannen spij-  
en,  
zo tot deur oetgoan,  
't boetenwaark mout doan.  
't Is opgelegd pandoor,  
't veujoar jong, ligt op de loer  
....!

Van Vliet.

Valen en opstoan.

Oma mout op't lutje pazen,  
krek heur Meerten, ook zo'n weur,  
braaiwaark kin ze wel vergeten,  
kriegt ze nou gain tied meer veur.

't Jonkje kropt aaldeur in't inne,  
oma hold hom in de kuur:  
"Blief toch zitten", dinkt ze aaldeur,  
't ôldske hêt gain rust of duur!

"Tou mien laiverd, mos toch luustern,  
bist nait doof en bist nait dom,  
mout ik eerst weer bie die komen,  
oma laagt ter echt nait om!

Bist toch oma's tudebekje  
en waist best wat oma wil,  
blief nou toch ais even zitten,  
hol dien voutjes nou ais stil!"

Even loater, aail gain wonder,  
deur zien maal en drok gewuil,  
was gewoon gain griepen tegen,  
't jonkje toch van stoul ôfvuil

en mit smokken en mit purol  
treust ze hom bie heur op schoot

....  
even nog, dinkt ze verdraiterg,  
en din is heur jonkje groot..!

D. van Vliet.

## Lente

Dizze week,  
moar zo,  
zunder ain't tegenhollen kon  
is 't lente worren.  
Was gain klok  
dei zok heuren luit,  
gain vuurwaark,  
gain tousproak,  
niks  
den dei wonderlike riekdom  
van 't waiten  
dat wat schienboar dood was  
vannijs oetbot,  
leeft,  
nait dood is,  
nog nait  
en dat  
terwiel wondern  
in dizze tied  
ondenkbaar wezen zollen. . .  
Delfziel.

van Vliet.

## Nijjoar

*Even nog en't is vrachteg  
al weer vaier en tachteg,  
doagen vlaigen recht verbie,  
stilstoan is ter aal nait bie,  
al zol wereld ook vergoan,  
tied blif gain sekonde stoan,  
dei gaait aal moar toerloos deur,  
doar is nooit gain stilstoan veur.*

....  
*Is zo veul dat haangen blifft,  
vaast nait ain dei dat omschriift,  
wat ter was en nait meer is,  
swaarte goaten en gemis,  
nooit ais even weer as toun,  
nooit n keer wat over doun,  
hou n minsk doar onder lidt,  
tied hold ter gain reken mit.  
Tied hold naarms gain reken mit,  
nemt was is aaid in bezit,  
omzain is ter nooit ais bie,  
dei blifft deurgoan zeg ik die.  
't Leven is zo kòrt van duur,  
weerd te leven, ieder uur,  
't bedudt noast't hannen vòllen  
wie doarmit reken hòllen.*

**VAN VLIET**